

Broj: A-III-47/22-IV
Sarajevo, 23.11.2022. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj 20/02, 22/02 i 30/08), člana 64. stav 1. tačka a), člana 25., člana 70., 71. i 98. Zakona o javnim nabavkama („Službeni glasnik BiH”, broj 39/14) – u daljem tekstu: ZJN, člana 6. i 39. Pravilnika o postupanju u javnim nabavkama Kantonalnog tužilaštva Kantona Sarajevo, broj: A-718/2019 od 26.07.2019. godine, te preporuke Komisije za provođenje postupka javne nabavke roba „**Nabavka tonera, ketridža i drum-ova (photoconductor) za potrebe Kantonalnog tužilaštva Kantona Sarajevo**“, date u Zapisniku broj: A-III-47/22–III od 22.11.2022. godine, Glavna kantonalna tužiteljica donosi:

O D L U K U

o izboru najpovoljnijeg ponuđača i dodjeli ugovora za nabavku tonera, ketridža i drum-ova (photoconductor) za potrebe Kantonalnog tužilaštva Kantona Sarajevo

I

Prihvata se preporuka Komisije za javne nabavke i Ugovor o javnoj nabavci tonera, ketridža i drum-ova (photoconductor) za potrebe Kantonalnog tužilaštva Kantona Sarajevo dodjeljuje se najpovoljnijem ponuđaču „**ALF-OM“ d.o.o. Banjaluka – PJ Istočno Sarajevo, Ul. V.R. Putnika 38, 71123 Istočno Sarajevo**“, a prema ponudi broj: 0286/22 SK od 07.11.2022. godine, s ukupnom cijenom **24.500,00 KM bez PDV-a, odnosno 28.665,00 KM sa PDV-om**, kao najbolje ocijenjena ponuda.

II

Ugovor o javnoj nabavci dostavit će se na potpis izabranom ponuđaču „**ALF-OM“ d.o.o. Banjaluka – PJ Istočno Sarajevo** po proteku roka od 15 dana, računajući od dana kada su svi ponuđači obavješteni o izboru najpovoljnije ponude, u skladu sa članom 98. stav (1) ZJN.

III

Ova Odluka će se objaviti na internet stranici Kantonalnog tužilaštva Kantona Sarajevo, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. ZJN.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav 2. ZJN.

Obrazloženje

Na osnovu Odluke o pokretanju postupka javne nabavke broj: A-III-47/22 od 04.10.2022. godine pokrenut je postupak javne nabavke „Nabavka tonera, ketridža i drum-ova (photoconductor) za potrebe Kantonalnog tužilaštva Kantona Sarajevo“, procijenjene vrijednosti 40.000,00 KM bez PDV-a, putem Otvorenog postupka javne nabavke roba. Obavještenje o nabavci broj: 274-1-1-105-3-15/22 od 21.10.2022. godine, objavljeno je na Portalu javnih nabavki, zajedno sa cjelokupnim tekstom Tenderske dokumentacije, a sažetak obavještenja o nabavci objavljen je u Službenom glasniku BiH.

Kriterij za dodjelu Ugovora, shodno odredbama člana 64. stav (1) tačka b) Zakona o javnim nabavkama, je „najniža cijena tehnički zadovoljavajuće ponude“.

Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-166/20 (u daljem tekstu Komisija) je dana 08.11.2022. godine u 11,15 sati, u prostorijama Ugovornog organa izvršila javno otvaranje ponuda i sačinila Zapisnik o otvaranju ponuda, u kojem je konstatovala da su u predmetnom postupku blagovremeno zaprimljene 3 (tri) ponude. Zapisnik je dostavljen svim ponuđačima koji su učestvovali u postupku u zakonskom roku.

Nakon otvaranja ponuda, Komisija je izvršila pregled i ocjenu prispijelih ponuda, te sačinila Zapisnik o pregledu i ocjeni ponuda broj: A-III-47/22–III od 22.11.2022. godine, koji je sastavni dio ove Odluke, i u kome je konstatovala sljedeće:

U ostavljenom roku blagovremeno su pristigle tri (3) ponude i to ponuđača „ALF-OM“ d.o.o. Banjaluka – PJ Istočno Sarajevo, „DEFTER“ d.o.o. Sarajevo i „PRINTEX“ d.o.o. Sarajevo.

Komisija je konstatovala da su ponude ponuđača „ALF-OM“ d.o.o. Banjaluka – PJ Istočno Sarajevo i „PRINTEX“ d.o.o. Sarajevo prihvatljive prema obliku, sadržaju, potpunosti i sposobnosti obavljanja profesionalne djelatnosti, te ispunjavanju uslova iz tehničke i profesionalne sposobnost, dok ponuda ponuđača „DEFTER“ d.o.o. Sarajevo nije prihvatljiva iz sljedećih razloga:

- Ponuda ponuđača „DEFTER“ d.o.o. Sarajevo je zadovoljila formalno-pravne uslove, ali ne i uslove za tehničku i profesionalnu sposobnost, zahtijevane u tački 8.4.2. tačka a).

U pogledu tehničke i profesionalne sposobnosti, propisane u tački 8.4.2. tačka a) TD, uvidom u ponudu i dostavljeni uzorak, utvrđeno je da ponuđeni uzorak za stavku 10. Toner za HP P1102 (CE285A) ili ekvivalent ne odgovara traženim karakteristikama u pogledu sljedećeg:

- *U tački 8.4.2. tačka a). tenderske dokumentacije, zahtijevano je da svi dostavljeni uzorci tonera moraju biti novi, fabrički proizvedeni, sa zaštitnom trakom, ne smiju biti reciklirani, refilovani i ponovo punjeni toneri.*

Komisija je testirala uzorke svih ponuđača, te ustanovila da je sporan ispis tonera za HP P1102 (CE285A) ponuđača „DEFTER“ d.o.o. Sarajevo, s obzirom da je navedeni toner vidno imao slabiji otisak štampe u odnosu na tonere ostala dva ponuđača. Kako bismo utvrdili da li ponuđeni uzorak tonera nije prethodno korišten, Komisija je izvršila test statusa potrošnog materijala, na osnovu originalnog HP-ovog softvera, putem kojeg je izvukla izvještaje o statusu potrošnog materijala u toneru za sve ponuđače. Originalni HP-ov softver nije bio u mogućnosti da pročita bilo kakve podatke sa čipa tonera ponuđača „DEFTER“ d.o.o. Sarajevo, a kao najvažnije nije bio u mogućnosti pročitati kapacitet istog. Kod ponuđača „ALF-OM“ d.o.o. Banja Luka – PJ Istočno Sarajevo i „PRINTEX“ d.o.o. Sarajevo navedni testovi su pokazali da su toneri ovih ponuđača na 100% kapaciteta, čime se dokazuje da su novi i nekorišteni, odnosno da je isprintana tek 1 odnosno 3 stranice u odnosu na puni kapacitet, te da toneri nisu proizvođača HP, nego proizvođača ekvivalentnih tonera („Non-HP Black Cartridge“), što je u skladu sa zahtjevima tenderske dokumentacije, gdje je dozvoljeno da ponuđači nude

ekvivalent. Toner ponuđača „DEFTER“ d.o.o. Sarajevo nije davao nikakve podatke, odnosno na navedenom testu se pokazao upitnik i na njemu je pisalo da je u pitanju korišteni toner („Used Black Cartridge“). S obzirom da je ugovorni organ tačkom 8.4.2. tenderske dokumentacije jasno propisao da svi dostavljeni uzorci tonera moraju biti novi, fabrički proizvedeni, sa zaštitnom trakom, ne smiju biti reciklirani, refilovani i ponovo punjeni toneri, iz navedenog testa je očigledno da navedeni toner nije nov (što je potvrđeno ispisom teksta na testu: „Used Black Cartridge“ – korišten crni toner), odnosno da mu fabrički nije zamijenjen čip, nego je ponuđen reciklirani toner, odnosno ponovo punjeni toner, čiji čip, s obzirom da je već korišten, nije mogao očitati kapacitet istog.

Shodno gore navedenom, a s obzirom da ugovorni organ trenutno u upotrebi ima najveći broj printera marke HP 1102 (42 komada) u odnosu na ostale printere (što u procentualnom iznosu u odnosu na ukupan broj uređaja ugovornog organa u iznosu od 91 iznosi cca 46%) i predviđena je potrošnja od maksimalno 700 komada tonera za ovaj printer za period trajanja okvirnog sporazuma od 2 godine (što takođe u procentualnom iznosu u odnosu na ukupan broj planiranih tonera za period trajanja okvirnog sporazuma u trajanju od 2 godine u iznosu od 1.207 tonera iznosi cca 58%), upotrebom ovakvih tonera (više puta recikliranih), uzrokovali bi se dodatni kvarovi na uređajima – printerima, koji iste koriste, što bi za ugovorni organ indirektno prouzrokovalo dodatne znatne troškove tekućeg održavanja – servisiranja printera, tj. nepotrebno dodatno trošenje budžetskih sredstava.

U prilogu zapisnika o pregledu i ocjeni ponuda broj: A-III-47/22-III od 22.11.2022. godine su dostavljeni i dokazi testa statusa potrošnog materijala za sve ponuđače za toner HP P1102 (CE285A).

Shodno navedenom, Komisija je odbacila ponudu ponuđača „DEFTER“ d.o.o. Sarajevo, kao tehnički neprihvatljivu i istu dalje nije razmatrala.

Komisija je izvršila računsku provjeru ponuda, te je ustanovila da iste nemaju računskih grešaka.

Polazeći od prethodno navedenih konstatacija i činjenica da su 2 (dvije) blagovremeno pristigle ponude prihvatljive za Ugovorni organ, obzirom da ispunjavaju sve uslove iz tenderske dokumentacije, Komisija je pristupila vrednovanju prihvatljivih ponuda prema kriteriju za izbor „najniža cijena tehnički zadovoljavajuće ponude“, te je tabelarni pregled na osnovu navedenog kriterija – **rang lista prihvatljivih ponuda za nabavku roba „Nabavka tonera, ketridža i drum-ova (photoconductora) za potrebe Kantonalnog tužilaštva Kantona Sarajevo“, prije održavanja e-aukcije:**

R.B.	Naziv ponuđača	Vrijednost inicijalne ponude bez PDV-a
1.	„ALF-OM“ d.o.o. Banjaluka – PJ Istočno Sarajevo; broj ponude: 0286/22 SK	39.769,30 KM
3.	„PRINTEX“ d.o.o. Sarajevo; broj ponude: 70/22	40.000,00 KM

Komisija je nastavila s radom dana 22.11.2022. godine, nakon održane e-aukcije, koja je bila zakazana za dan 22.11.2022. godine, s početkom u 12:00 sati i trajala je do 12:18 sati.

Shodno izvještaju o toku i završetku e-aukcije, kreiranog od strane AJN, a koji je sastavni dio ovog Zapisnika o pregledu i ocjeni ponuda broj: A-III-47/22-III od 22.11.2022. godine, rang lista konačnih prihvatljivih ponuda, nakon e-aukcije je:

R.B.	Naziv ponuđača	Vrijednost konačne ponude bez PDV-a
1.	„ALF-OM“ d.o.o. Banjaluka – PJ Istočno Sarajevo; broj ponude: 0286/22 SK	24.500,00 KM
2.	„PRINTEX“ d.o.o. Sarajevo; broj ponude: 70/22	25.000,00 KM

Na osnovu ukupne ocjene ponuda, prema kriteriju „najniža cijena” tehnički prihvatljive ponude, Komisija za nabavku je dala preporuku Glavnoj kantonalnoj tužiteljici Kantonalnog tužilaštva Kantona Sarajevo, da u otvorenom postupku za javnu nabavku roba – „Nabavka tonera, ketridža i drum-ova (photoconductora) za potrebe Kantonalnog tužilaštva Kantona Sarajevo“, dodijeli Ugovor najpovoljnijem ponuđaču ALF-OM“ d.o.o. Banjaluka – PJ Istočno Sarajevo, Ul. V.R. Putnika 38, 71123 Istočno Sarajevo, s ponuđenom cijenom 24.500,00 KM bez PDV-a, odnosno 28.665,00 KM sa PDV-om.


Cijeneći naprijed navedeno, primjenom člana 64. stav 1. tačka b) najniža cijena ZJN, odlučeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba u pisanoj formi, koja se podnosi Ugovornom organu u roku od 10 (deset) dana od dana prijema Odluke, a u skladu sa članom. 99. i 101. stav (1) tačka d) ZJN.

GLAVNA KANTONALNA TUŽITELJICA

Sabina Sarajlija



Dostavljeno:

- Ponuđači 3x,
- Komisija,
- u spis